



DEO OPTIMO MAX.

UNI ET TRINO,

VIRGINI DEI-PARÆ, ET S. LUCE,  
Orthodoxorum Medicorum Patrono.

QUÆSTIO MEDICA.

QUOD LIBETARIIS DISPUTATIONIBUS,  
*manè discutienda in Scholis Medicorum, die Martis vigesima-octava  
mensis Novembris, Anno Domini M. DCC. XLVII.*

M. JACOBO-VERDELHAN DES MOLES,

Doctore Medico, Præside.

*An Hydropi Venæ Sectio?*

I.



U M A N U M corpus liquidis componitur & solidis, quæ inter datur æquilibrium. Sanitas stat æterno, continuo pessundatur. In hoc quasi immobile corpus ab omni ferè cessat functione. In illo liquida movent & vincunt solida, & à solidis suâ vice moventur, vincuntur. A liquidis dilatantur vasa, dilatata

A

sefe constringunt; sicque liquida urgent, impellunt. Hinc perennis liquidorum in corpore circuitio, ipsorum subactio, elaboratio jugis; continua in singulas partes distributio, indefinens percolatio excrementorum; & optata cunctarum partium nutritio, incrementum. Omnium quibus vivimus partium nulla nutritiis ferè pretiosiores. Ut illarum laudabilem constitutionem sanitas sequitur; sic earumdem vitiosam mille ægritudines. Hinc cætararum totius corporis partium morbi à pravis & excrementitiis partium nutritiarum humoribus ducunt originem, quos inter hydropem recense, morbum curatu difficilem, & magno sæpè periculo plenum.

## I L

**H**YDROPEM voca serosi humoris in quâvis corporis parte collectionem. Pro vario humoris collecti situ, varia sortitur nomina. Si totum corpus occupat, Leucophlegmatia, vel Anasarca nuncupatur; Hydrocephalus, si caput; si pectus, ipsius pectoris hydrops; Ascites, si abdomen; si scrotum, hydrocele. Quòd si flatibus distendatur abdomen, adèd ut percussum tympani sonum edat, Tympanites appellatur: hæcque inter hydropes improprie ab Autoribus adnumeratur. Communis omnibus causa subest, frustratum apparandi, conficiendi, vel repurgandi sanguinis opus; undè viscerum penè omnium infarctus, ex quo seri à sanguine separatio, ejusque aliquâ in parte collectio. Aliam incassum inquisiveris causam præter vitiosam sanguinis constitutionem, laxatumque, vel renitentem solidarum partium elaterem. Vis igitur hydropem sanare præsentem, imminentem præcavere, talia adhibeas remedia quæ liquidorum motum promovere, solidorum elaterem firmiorem laxare, laxiorem verò firmare valeant.

## I I I.

**T**ANTA requiritur solidorum, & fluidorum necessitudo, & convenientia, ut mirum non sit cur uno deficiente alterum deficiat. Sanguis spirituosus ille liquor ab indole genuinâ desciscens, corruptâ subhinc onustus saburrâ, lento pede vasa dum permeat, quodcumque malum invehere potest. Quidni! & hydropem accerere. Quòcumque enim pergit, funestam itineris notam inurit. Præ suâ malâ diathesi innumeris cum scaecat impuritatibus, viscidiores & crassiores ipsius partes liberam

circuitus viam liquoribus præcludunt. Hæ paulatim aggeruntur, & aggestæ, vasa quàm plurimis infarciunt obstructionibus. Undè hærens in circuitu sanguis, novusque semper appellens, vasorum distendit tunicas, earumque magis ac magis dilatat meatus. Hi sensim ac sensim dilatati serum effluere sinunt. Id experientiâ confirmari videtur. Ligatâ siquidem canis venâ infrâ præcordia abdomen quasi ascite laboraret humore aqueo brevi repletum observatur. Tunicæ quoque Lymphaticorum cum tunicis Venarum sint longè tenuiores, seri effusioni ac collectioni ansam præbere possunt, suorum pororum dilatatione, sed & præterea suâ ruptione. Rem experientia probat, extracti scilicet humoris igni admoti albuminis ovi consistentiam acquirentis indagine. Tandem sanguis crassus aut viscidus glandulas difficilè permeans in iis sensim colligitur, stagnat, eas intumescit, ipsarumque excretorios ductus distendit, amplificat. Hinc seri à sanguine uberior secretio, ejusdemque seri è vasis effusio, ac tandem hydropis generatio. Quamobrem proprio vehiculo orbatus sanguis, partes agrè pervadit, hisque nutritium vix impertitur succum, undè universi corporis macies, siccitas, debilitas.

## I V.

**M**AGNORUM morborum aut ingruentium, aut jam sevientium, præstans remedium est Venæ Sectio, eoque præstantius excellentiusque, quò tutiori expeditiorique viâ omnia serè corporis vitia rescindit. Hæc datâ portâ luxurians toto corpore sanguis convenienter emittitur. Ocyùs ardentem materiem subtrahe, carbones remove, spontè restinguetur incendium. Idem celebratâ Venæ Sectione corporis humani humoribus evenit. Eductâ quippe sanguinis propriè dicti parte, minor fermentationi, effervescentiæ, obstructioni, infarctui, &c. datur locus. Restitutâ circuitionis celeritate, quanti quanti sunt humores, eandem choream sequi coguntur. In hydropse vires opprimit ac veluti vinctas tenet crassus & viscidus humor viscerum ergastulis coercitus, (cujus sub pondere fatiscit corpus) systalticus dilatationis & constrictionis vasorum motus depravatur: ipsorum fibræ motrices fungi officio serè inhabiles evadunt, sed incisâ venâ non rarò aperitur ad magnam libertatem viâ, & temporis puncto spes salutis affulget.

**H**YDROPI ita necessaria est Venæ Sectio, ut nefas sit illam omittere. Reverà præcipuus curationis cardo positus est in fibrarum elatere, & liquorum fluxilitate restituendis; ut vinci possit & superari sanguinis impedimentum; ut pertinetes tollantur obstructions, sanguinis circuitus felicius peragatur, ac tandem functiones in pristinum statum reducantur. Hæc omnia idoneâ sanguinis missione aslequeris. Nec est quòd objiciant nonnulli in hydrope venam secare idem esse ac jugulare. Redundans (quis crederet) sanguis id efficit sæpissimè. Qui, hoc morbo laborarunt, ferè omnes ore, naribus, &c. sanguinem emisere. Succedit plerumque catamenii & hæmorrhoidibus suppressis. Denique sanguinis grumos ac concretiones in hydropicorum cadavere reperire nihil uisitatius. His omnibus cùm sanandis, tùm præcavendis congruum Venæ Sectio remedium. Præterea eadem Venæ Sectione impurius circa viscera restagnans, & evasata illuvies vasa denuò subit, cum sanguine foras exitura, vel transcolanda per glandulas, vel per cutis meatus tandem vacuanda. Dolores insuper sedat Venæ Sectio, corpus erigit pondere gravatum; erectum, alacrius expeditiusque reddit ad omnis generis functiones obeundas.

*Ergò hydropi Venæ Sectio.*

#### DOMINI DOCTORES DISPUTATURI.

<i>M. Joannes - Franciscus Paris.</i>	<i>M. Ludovicus - Gabriel Dupré.</i>	<i>M. Ludovicus Florentinus Bellet, utriusque Pharmacia Professor.</i>
<i>M. Dionysius - Claudius Doulcet.</i>	<i>M. Antonius Petit.</i>	<i>M. Joannes de Dieß.</i>
<i>M. Bartholomæus le Clerc, Medicus Regis ordinarius.</i>	<i>M. Stephanus Ponsfou du Petit.</i>	<i>M. Josephus de Jussieu, Regia Scientiarum Academia Socius.</i>

Proponebat Parisiis BERNARDUS NICOLAUS BERTRAND,  
Parisiensis, Saluberrimæ Facultatis Medicinæ Parisiensis Baccalaureus, A. R. S. H. 1747, à sextâ ad meridiem.

Typis QUILLAU, Universitatis & Facultatis Medicinæ Typographi, 1747.